



南湖集卷第四

五言律詩

春前一日賦呈誠齋覓荆溪詩編且邀看玉照堂

花

頗訝蓬萊主相忘不寄詩荆溪雖有集桂隱未容窺地  
勝入難老春回律自移梅花如有語莫似去年時

次韻荅潘茂洪桂花見懷

藉使音書少何妨好尚通看花雖各自覓句卻相同

南湖集卷四

一知不足齋叢書

方送木  
云  
曙葉晨煙裏寒枝夜月中亦會湖上坐香底水

精宮

次韻酬喻工部雪中見懷

坐厭增冰地遙思勝熱城忘名全道用遠俗養詩情枕  
病憐幽獨心交阻合并晴春開徑在自斷學淵明

雪霽

山負紅銅日雲披綠玉天一晴聊饒臘三白已迎年貴  
氣樓臺滿春深松竹先詩成緣底事鳥跡印篷船

詩本





詩本無心作君看蝕木蟲旁人無鼻孔我輩豈神通風  
雅難齊駕心胸未發蒙吾雖知此理恐墮見聞中

讀樂天詩

詩到香山老方無斧鑿痕目前能轉物筆下盡逢源學  
博才兼裕心平氣自溫隨人稱白俗真是小兒言

覓放翁劔南詩集

見說詩并賦嚴陵已盡刊未能親去覓猶喜借來看紙  
上春雲湧燈前夜雨闌莫先朝路送政好遺閒官

楊伯子見訪惠示雨詩因次韻并呈誠齋

南湖集卷四

一二卅不足齋藏書

自作詩中祖翁難子更難波瀾千得闕光焰九霄寒覓  
著由來遠成時自好看頭頭見成字誰道要吟安  
別去嘗關夢書來意已強那堪多竹地相對兩繩牀壯  
志霜空鷓禪心古廟香糠爐熟黃獨待子數分嘗

次韻羅端規二首

世態從渠變前山只麼新關門便懶退遇事少躬親和  
我詩何益知公道不貧兩句纔識面枉是自由身

雪窗吾畏友稱譽滿中邊往矣非喬木生平仗老天  
寧來丹桂裏須醉白鷗前百計安流好紛紛急水船



次武子韻

宇內張夫子詩如孟浩然安心從太末

武子舊從天借台宏智師遊

屋近平泉眼裏彈冠手生來種芋田相投忽離席佳月

戀艤船

暑中楊伯虎見訪翌日有詩來因走筆次韻

領取無多話頻年頓不疎幽尋塵土外高韻笑談餘旣

悟蕉中鹿寧求木上魚論詩能避暑此意復誰如

早飯菴中次張以道韻

豈是幽人眼從來可慣山有時纔得見覓句不曾閒野

南湖集卷四

三知不足齋叢書

日光尤暖溪梅信尚慳飯餘行便去休待暮雲還

次韻楊廷秀左司見贈

願得誠齋句銘心祇舊嘗一朝三昧手五字百般香弦

絕今何苦衣傳擬自強草元非近效舉世漫匆忙

卽席次吳季行韻

昔逢欣把袂三歎說吳鉤共醉虛堂晚還興故國愁花

黃思靖節鬢綠傲浮丘世濟王門業洪流萬斛舟

連日雪未能多會無逸見惠二首遵歐蘇律禁體

物語及用故事走筆次韻



鶻凍聽無語鷓鴣飢望不飛縱饒居士愛亦自到園稀入  
暮燈生暈飄池水長肥何能巧模寫吟思久幽微  
待伴猶虛夜羞明或遇朝但依歌裏舞休向鬢絲飄有  
句清堪比令人意自消暖寒林下具相就可須招

簡陳監倉二首

自到南湖日鄰翁識長方一宮甘寂寞萬事絕思量疎  
見祇緣嬾頻來政不妨松林渾似舊相伴踞胡牀  
因病詩全少春中忽夏深清幽百畝地安靜六時心樹  
茂晴方好荷新雨未禁泥乾容後日閒步酒隨斟

南湖集卷四

四知不足齋叢書

簡周晞稷

塵土真堪畏君髯美亦衰登樓纔會面促坐便論詩社  
日休持酒秋香待滿枝客塗書旋買猶似向來癡

北山早興

出郭涼真穩山晨氣自濃寺園逢水斷塔路過烟重啄  
木聲穿竹凌霄色映松世歡吾儻泥那遂此從容

冬至後五日約客晨往極樂精舍因尋梅湖山作

詩紀事

烟重山彌遠林高日倍鮮抱雞趨野店斟水入冰田未



有三冬雪渾如二月天梅花應早慧著眼竹籬前  
未若撩清興騎驢故遶山松篁高下處雲日往來閒要  
是從今後休教枉卻閒烏巾風弄影畫出我詩屨

寄呈尤侍郎二首

臥疾賸人事逾旬只掩扉野情添懶惰宗伯極瞻依籬  
落尋黃獨簷楹接翠微桂隱新  
山堂健來方數日詩又不教  
肥

珍重九夫子逢人問死生掃門那懼遠出口直須晴爲  
翁先白因官名更清何時容小夜燈畔聽文衡

南湖集卷四

五知不足齋叢書

宿治平院長老善忍自紹興癸酉四月住持余是

年三月生

治平前代寺幽勝占唐昌我始生彌月師初踞上方百  
年雖未半三紀獨偏忙一事猶堪哂相隨兩鬢蒼

野芳亭偶書

歲歲閒爲福今朝命最通看蒲逢紫燕弄柳得青蟲但  
願詩妥帖何心技拙工山林過軒綬誰謂只相同

春晚

湖遠慵呼艇春歸只閉門樹高應翠合竹靜自黃昏軒



曼情終遊詩書好益尊人閒難辦事夜氣要長存

潘茂洪出疆回以汴都畫山水扇見遺報之五言  
嵩華平生夢騎驢未得遊橐中分雅惠掌上起新秋報  
國何能早需時莫漫憂祇應長近眼過夏亦慵收

代書回寄楊伯虎

僧舍匆匆別飛花雨過春水村居自樂城市嬾尤眞載  
酒青油舫傳書白錦鱗訪君須及早非是久閒人  
過楊伯虎卽席書事

四面圍疎竹中閒著小臺有時將客到隨意看花開拂

南湖集卷四

六知不足齋叢書

拭莓苔石招攜碼碯杯昏鴉歸欲盡數箇入詩來

春在

春在將回暑晴開常帶陰佳時從易過閒日儘能禁臥  
室宜重立浮魚樂又沈有詩無亦好爭似有時心

遊大中乾元寺

突兀前朝寺維舟又一來殿空金像暗徑斷石幢摧物  
仙依成壞塵緣漫樂哀僧殘無悟語猶幸結宗雷

次韻酬張仲思高郵見寄二首

春來傭把酒閒去聲日半僧齋風雨梅花夢谿山老子懷



有人非吏俗同好任天涯歸上青雲日幽期孰與偕  
便欲相尋去山光看水光野航因挾策春韭自炊梁踽  
踽吾才短翮翮子意長文翁他日譽不但勸農桑

次韻酬楊伯子兼呈誠齋

我固有詩癖憐君尤苦心自聞非爲俗異處卻同音病  
後閒方乞湖邊秋漸深排門聽車騎相與話幽襟  
見說聰明早童年便與元細看今日句宛似乃翁篇家  
譜無他姓文星聚此邊何須待千首一首已堪傳

清暉閣在柳洲寺舊址二首

南湖集卷四

七知不足齋叢書

去市無多地重遊淨客心何人偏種柳今日屢鳴禽浩  
興生孤槩歸情戀遠岑梁閒滿題詠寧欠我窺臨

幽寺知何處風鐘送遠撞孤花明几席陰樹惜軒窗喚  
渡輕舟競窺人白鳥雙寸心方自適宵易利榮降

買書

自笑從來癖詩書滿屋藏不充饑鼠啄卽飽蠹魚揚插  
架牙籤整開編竹簡香他年林下去誰與記山房

寒食

地僻人稀到簷虛燕未過清愁詩酒少寒食雨風多各



字因農具襟懷屬釣蓑莫驚時節換安分看如何

### 山茶花

翠翼高攢葉朱纓澹拂花來從山塹側開稱畫簷牙影  
薄誰停繡香清似煮茶幾多輕斂態月動夾牕紗

楊伯子過訪翌日以兩詩見貽因次韻各

晴色今朝好春光恰半頭波清如釣渭圃事勝封畱瘦  
覺中黃合閒宜大白浮無端同志侶相過結詩愁

句業誠淵海愚方一葦航空成由也瑟難應女媧簧擬  
易乾坤別傳家父子香整翰從此去拭背望朝陽

南湖集卷四

八知不足齋叢書

### 過翔鸞院畱題僧房

頻年雖竝住今日偶能來水檻因蓮設風牕爲客開詩  
凡慙鮑謝社近憶宗雷莫問通衢隔輕舟自往回

宿八尺月色陡明

將謂無佳月貪程過上湖纔來八尺住卻見一輪孤帶  
露寒於水和煙白似蘇江天空想望高下兩明珠

送酒誠齋將以五字

不應楊秘監無暇問南湖桂樹又花發蓮池和葉枯雨  
聲秋最好尊酒客非無寄去搔詩眼深慙句法麤



過湖至郭氏菴

山色稜層出荷花浪漫開只如平日看自喜此時來楊柳侵船影蜻蜓傍酒杯僧廬須過夜城禁莫催回

因過張郎中識孫才翁教授時徐衡仲亦在坐成

四韻送呈

邂逅如相約新交會舊知軒牕渾未暑賓主總能詩小  
草浮冰楮初篁映錦葵星郎風韻殺我輩盍幽期

挽叔祖戶部侍郎詩四首

從此無因見南園老叔翁朝廷世臣少文獻我家窮達

南湖集卷四

九知不足齋叢書

宦誰無分全才不易逢先王勳第一號慟仰天公

八郡恢成績江山八壯圖風流羊叔子才術管夷吾絕  
筆詩猶在酬君志不渝經綸如有位宜墮淺規摹

小小爲知己嘗嘗說向人論情宗族異間事見聞新曩

錦將誰管

叔祖以青錦囊收錄詩專令侍姬掌之

湖園看未真

叔祖自歸方一到桂

隱傷心嘯菴路不復送親賓

內典存心久家居戒行曾同塵聊且爾著相亦何曾脫  
卻當來稔傳將不盡燈欲知歸甚處一月萬波澄

次韻王耘之秋興二首



妙墨真蓮草情辭角應商襟期容汗漫興致入蒼茫派  
自王摩詰才分馬子長宦途休歎滯眉字見新黃  
多士寧王室中宸夢傳巖如何兩京客猶挂五湖帆落  
落雲松節飄飄霜葉杉深藏草檄手端欲取殷函

夜飲呈葉可戶

俗薄交難古心親話許深更長銀燭夜院靜石雲陰冷  
夢多孱骨脩程費老襟松壺梅竝插投醉且高吟  
僂指樞衣日于今歲六移步趨徒願學憂患亦何爲牕  
曉鷗同起天寒鴈引悲依仁方再幸小耐了庸時

南湖集卷四

十知不足齋叢書

題畫二首

案第二首似  
非題畫之作

幾欲疏方沼泓澄豢小魚畫屏先我意覓句爲君書扇  
舉萍疑動紗明水一如林塘能早就官但植芙蓉  
草樹秋聲合乾坤夜氣生念閒無復夢坐久屢聞更未  
試從長劔相親幸短檠欠伸聊覓枕誰會此時情

次韻酬會無逸宗教

自識閒中趣嘗嫌鬧處行湖山眞富貴花鳥小聲名有  
客金蘭好貽詩徵角鳴相期耐霜露斯事豈凡情  
地秀溪通邑山高寺矗雲望殊驚乍見景勝厭前聞雞



犬人家樂風煙釣艇紛奔程船徑過雖兩

轉

徇俗

徇俗非能事便幽定宿緣躍泉新作雨一樹巧留煙雀  
喜頻頻下蜂知小小穿疎風奏簾無夢到釣天

奉寄淮西總領張少卿并呈建康雷守張侍郎二

首

湖隱門連草宗盟宵屢尋長才明主眷直道古人心又  
引皇華去誰憐白髮侵官居兼靜樂賢帥復朋吟

二公同朝

日有詩多倡和

南湖集卷四

十一知不足齋叢書

別來秋易過幽桂兩番開去歲人同賞今宵夢自回飛  
雲遙楚岫斜照直秦淮地念曾遊處春行或許陪

伏日

未曉雨尤驟過朝風更鮮誰知初一日全是早秋天洗  
盞嘗新酒臨池摘嫩蓮平生丘壑意不受暑寒遷

稍負

肖貞園亭約新篁帶可圍看山真耐久臨水易忘機野

蛩出輕舟趁鷺歸還家欣未晚他藻弄晴暉

送葉正則祕郎參議湖北帥幕



桂隱無期報朝賢去卻知累年艱特薦一事必憂時盛  
世未應爾重來猶可爲相過非爲數公論合勤思

問鶴

鶴也來多日今朝認筍輿繖斜聊引避路轉亦前驅俗  
遠眼寧白年深頰漸朱古囊能背否勝用小奚奴

送喻叔奇工部括蒼一首

三見中朝入徐行每後人功庸身較晚名譽衆常新有  
句須同詠年離似所親政成應必報山郡易回春

自復林湖隱相從卻恨稀梅花年後白江水去邊肥世

南湖集卷四

十一知不足齋叢書

態紛紛改交心特特違暖晴當送別敢望款柴扉

山寺漫興

未到楓林寺常吟半夜鐘乍來衝路雨少坐怯廊風歎  
齒村茶苦看碑大字工出門山慣見何事意無窮

楊仲子攜詩見過次韻酬贈并呈誠齋一首

老監過陳寔賢郎似甯羣共將奇句了不許外人分訪  
我三竿日縈簾一炷雲當家相見處那比世情欣

愛水移字

臧豈但迂若井風月管枉伴竹松矚野

昭常嘗

斷絢請君看此老堪作貴人無



重過鳳山高氏

屋負山陲晚籬侵水灤秋農桑能自力鶯鴨豈他求逆  
數曾來日遮畱更覺稠夜歌聽欵乃催興滿滄洲

永嘉張仲思相士過訪坐閒索詩

便靜非形色相逢子獨知功名槐蟻話文字壁魚凝刺  
取朝賢譽何須隱者詩南湖鷗正狎休誤鳳凰池

園桂初發邀同社小飲

故故論年賞新看惜未多一香參衆樹于月下織娥今  
雨胡能阻秋蟲亦復歌有情無恹醉斯世合婆娑

南湖集卷四

志知不足齋叢書

桂樹下作

芳桂年年種今秋兩倍開略無蜂敢傍爲是月中來幸  
自晴多日須拚醉幾回便教香殺了猶勝別人歎

過冷泉

未喜亭陰坐先貪樹畔行谿渾因雨瀑巖近得風清一  
飯幽人福三杯太古情尚須冰月挂來放雪濤傾

桃花

園翁能好客折贈小春桃卻爲開花少翻成占格高來  
年紅爛漫繞澗碧周遭莫忘閭門外會將進濁醪

桂隱  
夾澗



種桃三  
百餘株

楊祕監補外贈送

止是尋常月今宵不愛明江邊有歸客都下減詩情上  
自憐公直人知暫此行賢郎先返舍應已候門迎

祕監  
久欲

求去數月前命伯  
子主簿歸葑故廬

名新釀曰白鷗波以一尊送佑聖觀劉高士

酒熟將何字白鷗波正如一瓢誰合飲高士觀中居汗  
漫酒無象鴻濛浴太初醒來松戶曉應念吳於智

南湖舟中贈日者

南湖集卷四

古知不足齋叢書

坐上君當笑人閒我最愚百年休較命今日且航湖地  
曠山霏薄風薰水葉麤寸陰方解惜總是已工夫

題方竹杖松根枕二首

鶴骨何能爾龍姿或果然鋒稜四面峻節操一生堅界  
紙書堪使敲針釣最便從教方有礙終不效規圓

鬱鬱淺寒色來宜此地蟠解衣輕盾日假蓋得秦官香  
宿風微墮青畱雨未乾通宵巖側夢根窾手藏丹

夢覺

夢覺西牕曉聽風過曲廊好詩非易辨閒坐鎖無妨人



靜鳥鳥享雨來花草香寸心經患難况復近秋涼  
二十年前事渾如夢覺時漫行荒路徑難認舊亭基尚  
記因逃暑曾來學賦詩如今無可好植杖欲耘耔

夜坐浴

濁熱不成睡起看宵過中繁星珠結網  
鵲情何有驅蚊計頗窮猶欣湯浴後膚受綠蘋風  
五爲弓賦

次韻荅曾司法

精神由日就格律忌雷同我匪從他入君應自此工多  
岐憐世路力學振家風莫易朱弦絕千年最論公

南湖集卷四

並知不足齋叢書

命鹿

雙鹿林泉友新居後我成角低方長旺斑嫩未分明濯  
濯菰塘晚呦呦草逕晴仙疇吾種玉汝輩耦而耕

正月三日同諸親從叔祖閣學登寧壽觀東西山  
尋至鄒園次叔祖韻

超曠欣便靜紛華厭處濃客親非外約地勝適新逢詩  
興驂黃鶴仙情寄赤松烟平千萬戶此處認歌鐘

次韻寄齋贈竹居

振俗還風雅乾坤覓句中夔臯渠合遇郊島我甘同浩



蕩沒鷗水清和翻燕風相投兩無語聲遠莫摩空

安樂泉亭上午憩

脩竹有風處道人無事時諸公難入眼不用總如眉得  
價婆娑重投閒懶散宜三年何足道

僕歸桂隱  
恰三年矣

堅判百

年期

暮色

暮色雲端合晴光天際慳鳥羣科斗字山態蝨螺髮  
寂功名會紛紛車馬閒拍欄情倍極烟老罨魚灣

夜坐示客

南湖集卷四

士知不足齋藏書

身世長歌裏于今得好朋露堦秋到竹風屋夜吹燈菱  
芡供饒口圖書伴曲肱頭顱知自揣顧影笑鬢髻

表兄劉東玉提幹挽詩一首

王祖扶天日同聲外氏翁功勳俱卓越門戶合穹隆諸  
舅今何在唯兄命亦窮賢郎須力學一綫續家風  
襁褓予多疾三年託涓陽未能看擊壤嘗是戲登牀轉  
首塵埃裏驚心歲月長挽兄齋志去傾淚入詩章

走筆贈銛上人二首

握手四年別滿心千偈清燈續軟語新雪尚幽眠下



了羸身訣寥寥斷臂緣我懷吾自會惡句莫多傳

已事成然急江湖第一流才高樓五鳳伎進刃全牛可

惜梅花節忙回竹葉舟老師應賞檇碑巨壑京州佛照命上

入乞田記于勝  
故吏已得之

### 自詠

事業新來別賢愚久自知作文時似呪寫字忽如錐賣  
屋因爲宅謀官本近醫有來評世務好好只相隨

### 道院書壁

約客探名勝停輟得所欣山寒多作雨洞古不收雲夜

### 南湖集卷四

七知不足齋叢書

宿鷓鴣麋長齋訂野芹黃冠尤喜事添炷石爐熏

### 次韻叔祖閣學題逸村亭壁

橋迥有牛過村深無馬嘶峭風驚客袂膏雨慰耕犁遊

目花通野以情榮著泥幽坊偃蹇跡况復見新題

### 野芳亭

山向林間出從外携行來風數刻坐待月三更政

自安閒散誰止管愛僧新功喜今夏陰滿蒲萄棚

### 客舍夜聞

懷南湖

屋漏燈垂粟牆欲蟻唱叢斷編非徑捷隅坐且丞尊歌



蠻子盟寒冰勃公月明今夜夢清殺葦開

牡丹

分數論春物都應讓牡丹幾枝丹葉紫滿擔夕香寒  
我知心切從人得句難官辭回權日多瓣翦來看

湖邊夜興

夜月雖愆約秋雲卻薦涼  
雨明緣水背棹近覺風香衆  
論輕閒適幽懷貴老狂從今無復病處處養生方

夜述

客去情宜獨宵長睡未炊露多應冒砌香重欲蒸簾較

南湖集卷四

大知不足齋叢書

利真誰得耽書寫自嫌爐存金粟火煨芋不須添

寄呈史太師二首

昔爲金闕相曾是玉皇師近卽維垣拜還從彭祖期傳  
聞風景勝多賦洞天詩官示漁樵否林閒要勒碑

自降冰氏子父祖已登門屏跡千官外馳書一品尊華

我心慮活兵生全南經傳語前論公閒居屢欲

理西風棹因贈祗樹園公嘗拾里

誰謂

誰謂閒無事閒中事日生和香雕印脫記石假雲名水



取從龍井花移自馬城若將朝而比忙處卻多爭

問訊家林蠟梅

蠟梅吾甚愛園種未能多旋去東南竹新添二十窠辭  
家俄半月故蕾想盈柯前日丁寧句花神記得麼

行次鶯脰湖

震澤忽忽過胥塘漸漸來風高多罨岸船側屢翻盃積  
草攤漁網疎林聚客梳景逢宜急寫句過恐難裁

游九鎖山

九鎖非凡境烟雲路不分山寒長帶雨洞古不收雲夜

南湖集卷四

五知不足齋叢書

宿聽林鶴晨炊摘野芹黃冠皆好事添炷石爐熏

此首從洞

霄詩集錄補○案此篇除第  
一句外與道院書壁相同

皇太子生辰詩

慶協丁年應祥開甲觀雄九霞光絢爛重日彩瞳矐根  
本千齡固元良萬口同文係覲堯法聖子奉虞聰視膳  
長遵度怡顏但飭躬形容歌玉粹瞻仰見淵冲象輅陳  
儀肅鸞旌定制崇承祧雖位震寶儉只屏銅典學勤無  
斁談經異必攻性天元啓闢講席更磨礪以貴釐京兆  
維禮禮昊穹理繁情畢見陪祝敬彌隆善政邦人洽純



誠帝賚通澄源基廣大主密福延洪綺角從遊盛應劉  
藻思工德尊謀不用唱古和無功八法誰云易前朝論  
亦公規模傳聖上意韻出胸中草軸方翔鳳真題復起  
鴻聯翩來殿戟焜燿到門蓬雨足湖山秀秋成黍稷豐  
菊香金錯豔橙嫩玉垂叢五學懽聲合三宮喜氣充駢  
蕃恩莫紀洋溢譽無窮得數多椿柏齊年指垂嵩前星  
高拱北少海正儲東拜手羣僚集裁詩瑞錦蒙何嘗慚  
魯頌自是邁幽風拊跡希隨驥馳心屬夢熊三熏申善  
禱小仗愧鳴蟲

南湖集卷四

對雪

漫記今年雪先慳半月晴乍飄偏有態猛下卻無聲水  
繞長春圍人居不夜城弄寒羣犬戲驚曉獨雞鳴橋凍  
泥添滑牕虛紙借明冷妨梅早慧高妒柳輕生瀟蒼嘗  
深鼎臨書厭短檠驚迷鷗失素鷗混鷺爭盟日壑銀烹  
出龍沙粉築成歌鹽唐按譜聚米漢談兵曳履需公詔  
吞甌感使旌初平羊變石白起甲填坑賈舶停珠浦朝  
驂萃玉京馳銅誇北錄馬瑞遇東瀛雲凝情俱淡風旋  
力驟穉藕邊侵緯宿酥畔比螺蛳敞坐詩牋接歡筵舞



裏迎緣甕方盼轉入幌忽縈盈煙滿空翔鶴潮翻海縱  
鯨藍田難受寶月窟助蜚英鴻罩杯誰覆盆冰鏡不傾  
瑤隨王粲珮璣綴李彪纓豹烏宜分色麻衣浪擬清齊  
腰休更舉巴曲試煩膺

巾車

聽說小巾車形模似竹輿雙輪氈裏去三壁帽開舒僮  
矮行攜硯鬟嬌坐奉書苛峩回徑處輕轅度橋初鶴引  
青莎軟鶯看翠柳疎裛爐香正噴背榼酒多儲過愛涼  
軒敞停因燕館虛直須教畫看全似出塵居緩駕終調  
鹿忙牽莫命驢只緣心蕩蕩自到境如如刺有真堪寫  
時無憤可攄尚慙銷粟帛何事免綠鋤命駟邀朋客籠  
鷺謝里閭屏星前日夢不枉賦歸歎

南湖集卷四

三知不足齋叢書

南湖集卷第四

十月二十八日外圃寫  
計六千四百零五字溥記



南湖集卷第五

秦川張鏞功甫

七言律詩

庚戌歲旦次張以道韻

農家正旦喜占晴老圃觀風趁早春  
兩事欲尋強健日一生常作太平民  
紹熙初歲新開歷典冊崇儀極奉親  
詞拙固難傳樂府水邊閒示釣魚人

立春日訪梅裝氏園

下馬東風恰到來午煙沙際日烘開  
長松寂歷寒聲少

南湖集卷五

一知不足齋叢書

遠柳葱蘢綠意回零落歡遊逢故地  
蚩緣幽勝逐深杯湖邊不使儂先詠  
枉卻今年處士梅

正月八日喜霽

未春天氣已佳晴病起光風滿意明  
竹色舞簾金翠活鳥聲穿戶角宮成  
黃麻天上登周召濁酒林閒慕綺榮  
從此尋芳繞阡陌野翁相過詫時平

燈夕

插花呼酒少年場爛賞花燈十里香  
璧月當天星緯少珠簾掛戶樂聲長  
非緣風景今殊昔白是情懷老不狂



贏得安禪心似水，琉璃照佛龕旁。

次韻潘茂洪春日書懷

東風漸放柳遮門，隔水人家聚似村。  
漁艇遠來誇甫里，僧鄰閒過講慈恩。  
花繁惜識蜂情性，晝靜初聞燕語言。  
病起適逢春正好，莫教詩思卻塵昏。

春晴獨坐次叔祖閣學韻

鬢鬢綠柳拂垣衣，課蜜蜂忙踏藥歸。  
須趁一春隨意適，極知萬事轉頭非。  
添爐麝餅遮殘火，擁案塵編絕故韋。  
便當清歡忘肉味，況安淡泊少甘肥。

南湖集卷五

三月十四夜觀月思南湖

期會紛言不到詩，拙哉前計只知心。  
縱當吏散庭空後，爭似山行水泛時。  
柳影半籠明處路，葦聲輕率暗邊籬。  
波神擅此三更月，定訝今宵欠留吹。

寒食不出遊

南湖寒食又今年，宿雨連朝洗舊烟。  
竹葉酒邊閒鑿落，杏梢牆畔出秋千。  
歡遊殆類前生事，老態惟思白晝眠。  
明日水邊晴更好，只愁歸思渺秦川。

五日滎陽郡王餉酒



閒中滋味諳來慣，懶費心情爲節辰。丹篆但期詩出去，  
紅泥俄見酒壺新。移船遣送隨魚信，洗盞開嘗對鶴賓。  
絕勝淵明過重九，東籬空伴白衣人。

重五日不飲偶成長句

林野光陰口日新，不因時節強隨人。青紅雨砌戎葵柳，  
金玉風池苜菜蘋。千載是非均似夢，一朝醒醉肯沈身。  
綵絲菖歎喧兒女，誰信清吟興獨真。

五月十六日夜南湖觀月

良宵觀月豈無人，未必能看到四更。山載塔燈金筆立，

南湖集卷五

三知不足齋叢書

水搖亭檻玉簾橫。歌從菡萏香中起，酒向玻璃盞內明。  
誰信南湖當暑夜，葛衣風透覺寒生。

對月

景竒天遣助詩豪，意快慚無鍊句勞。一夜月揮金盃出，  
萬波風擺玉鱗高。衣冠城裏多新貴，酒脯船中自老饕。  
未著叢書追笠澤，此行扶路且遊遨。

煙波觀觀月示客

半年殊少夜閒來，湖上今宵絕點埃。人老縱教過百歲，  
月圓難保看千回。舒眉酒飲休辭滿，衝口詩成不待催。



自有一般堪樂處，卻言山水近亭臺。

七夕前一夜翠樾堂設醮

矯首千尋古杏欄，遠林空處月鈎纖。  
龍蛇藪澤秋聲起，牛女虛空夜氣添。  
滿蕩荷開從北看，危欄塔立向西瞻。  
綠牋封事精忱達，鬢鬱天香羽襲沾。

七夕

秋近疏飈未轉涼，絳盤珠閣已傳觴。  
佳期天上頻逢節，卻老人閒未有方。  
蟾魄嫩明情繾綣，鵲河斜界色滄浪。  
瓜盤華錦空兒劇，禱旱于今仰聖皇。

南湖集卷五

秋暖

疎星歷歷閒銀河，天澹渾疑瀉素波。  
牆角影低遮月少，樹頭聲壯著風多。  
平生但念長閒好，萬事從教若夢過。  
要足一詩添故葉，小山池畔更婆娑。

次夜月色復佳遊霞川錦池二首

倚欄看月興難平，載酒還須入澗行。  
竹頂有時翻鷓翅，草根隨處鬧蟲聲。  
城中豈是無人賞，船裏何曾臥地撐。  
遊徧一池心未足，亂荷叢底聽三更。

自持烟重柳垂垂，露濕衣裳透始知。  
丹桂花香牆畔起



水滌枝影席閒移思量九竟都如夢戀著休閒殺不癡  
夜半江潮聲正熟歸來猶是欲眠時

秋聲

林居多解識秋聲豈是松篁耳慣經桐雜蟬鳴愁易起  
蕉和菘響夢頻醒琅琅急雨喧荷港晝裏清風戰葦亭  
一事古人猶可恨不言楊柳最堪聽

秋風

策策驚颺戰素秋夢回衾幔亦颺颺不傳鴻雁秦關信  
可奈蘋蘩楚客愁作賦未須悲落木挂帆方喜助歸舟  
何須更借搏扶便自是層霄九萬遊

南湖集卷五

五知不足齋叢書

贈馮

我自江鄉有姓名相逢契合義相親連行幾宿來棲草  
戢翼常時想避人石岸風高難到縣今皆船柱定爲隣  
南湖若官尋幽隱卻把衷腸自縷陳

重九前一日領客登城卽席次張以道韻

未倒花前擊落金登攜那怕嫩寒侵歸牛下隴爭浮水  
宿鳥隨山不過林衰鬢預吹明日帽放歌時帶故園音  
菊烟桂露雖情物須索高瞻管夜深



冬日

半空飛雨整還斜，翳日遊雲散復遮。  
七字吟情書柿葉，一年心事約梅花。  
關門人識陶潛室，靜坐自疑龐蘊家。  
紙帳蒲龕方用事，更須何物作生涯。

十月菊

幽芳何事獨開遲，寂寞寒金照短籬。  
老子樽罍方欠此，春風景物最相宜。  
要隨得煖南枝發，肯趁登高九日悲。  
鬢笑陶家門外柳，夜深零落舞腰肢。

冬至日曉雪庭桂一枝著花戲成長句

南湖集卷五

六知不足齋叢書

居士歸來百事嘉，木樨雪裏也開花。  
麝金一掬枝頭小，藥玉千溝屋上斜。  
境界許奇非浪得，色香俱盡更何加。  
高寒似我休拈出，微笑從來少作家。

侵晨飛霰薄暮雪未成

听屋花冠夢易呼，凍天應徧色模糊。  
旋聽索索敲松瓦，便擬翩翩傍酒觚。  
一白要從高砌看，雙清先喜小山俱。  
晚簷坐斷違消息，待問林深寺有無。

園中梅有開者寄呈當塗叔祖

春到林梅得重權，首冬疏萼已爭先。  
移裁尚記陪深斝



靜看因思覓近篇  
佐世勲庸金鼎味  
貪閒懷抱竹籬烟  
臨風欲寄橫斜去  
夢繞江城暮角邊

昨探梅冒寒伏枕病起聞花已開尙苦雨阻因成  
長句

小園春事果如何  
分數梅花最占多  
貪看滿梢初的樂  
病妨連日繞婆娑  
鳩聲喚雨風還至  
鶴骨棲愁夢獨過  
豔陣香天翻霽色  
明朝拚取醉顏酡

寓舍聽雨憶園中梅花

陰霏非是妬春華  
薄命詩人帶累花  
烟逼豔低侵竹冷  
南湖集卷五

七知不足齋叢書

風攔香橫逐溪斜  
開時數日曾邀客  
別後連旬阻到家  
簷溜可堪聲徹曉  
夢中餘恨亦無涯

曉探晴觀梅

天雞催日界牕橫  
躡屐看花興便成  
正爾飛霞舒綵珮  
儘渠宿雨結珠纓  
飄零未帶溪邊笛  
縹緲如臨海上城  
身世長吟誰會得  
華祠梅市總逃名

次韻周昭禮見寄兼約觀園梅

沙頭晴了便回春  
已覺青蘋媚煖津  
但課澆畦園內叟  
何心說劔里中人  
超情耐久寧拘遠  
合處無多頗復伸



待得梅開醉香海健呼重看老精神

約齋西窗先有垂柳臘後四日關地增植花數士

輦

經年規畫種餘醞柳際春將一再歸蔓草藩牆纔放遠

海棠桃杏得成圍連宵冷月知子樂數日條風挾鳥飛

盡寫前人題品句誦聲時撼綠窗扉花每種擇各公詩數篇書于壁間

雪

闔夜驚飈落樹巢平明清瓦漸迷坳蓋函靜聽來千騎

珪壁遙知委四郊再白呈祥矜大稔積陰噓氣過方苞

南湖集卷五

八知不足齋叢書

池邊廢沼邀閒立乍合冰漸怯杖敲

雪晴希稷次韻再賦為荅

凍枿歸禽易辨巢燭籠分耀入堂坳長須喜戒鋤荒圃

小隊閒思獵近郊坐許剛筠全直節行看弱柳發新苞

僧爐遙想煨松栝犬逐膺門應客敲

丙午十二月晦日雪霽

曉愛晴暉萬瓦融近山春意便惹龍敲冰踏雪三旬裏

送臘迎年此夜中仁政果能銷運厄皇子以積雪苦寒輝因編師窮民家

氣充格陰曠頓解給餼米歡聲沸動和閒家何幸樂時豐明朝掃徑看桃



柳要識天公兩樣風

守歲

寒缸孤照聽更遲情緒斟量睡卻宜春向歲前三日到  
老緣頭上二毛知朱泥逐疫燒靈藥桃板書符換舊詩  
但願明年更閒散無災無難復何疑

夕霽

霜雪連朝作勁威暮來吹散景偏宜未開璧月千秋鏡  
已建金雲十丈旗脫帽漸看山岬屺襲裘須判酒淋漓  
乘閒書紙休嫌數簿領叢中怕說詩

南湖集卷五

九知不足齋叢書

春分後一日山堂述事

永日柴扉手自關不驚時序若循環鍊成黃土爲真藥  
守得青苔徧假山戊己燕知隨鳥歷西南櫻喜趁花班  
春光莫恨中分過能使時長始是閒

每到山堂懶作詩今朝詩興覺偏宜層林颯遶陰填戶  
亂石巖從翠繞池猛欲近前聞紫燕忽聽高處轉黃鸝  
風鈴不必簷閒語境界非凡我孰知

老圃工夫愈可嘉種藤紫樹盡開花人閒似我能閒少  
石上看雲到日斜樵徑有苔休掃葉茅菴無客亦煎茶



兩邊最喜添新竹夕照斜時漸可遮  
巖通道院碧桃妍別號琅華小洞天香火微官方稱職  
軒裳閒夢自無緣星壇夜禮魁罡列丹室朝存震兌全  
絕粒飛昇休慢語不求人已是神仙

閒課

居閒投課孰爲優似此工夫盡不愁量澗打船輕似蓋  
轉牆開逕曲如鈞已令山圃收黃犢又蓋湖亭記白鷗  
春水畫橋桃四百新年那羨武陵遊

自詠

南湖集卷五

十知不足齋叢書

南湖老子太汗漫第一生來懶做官錢物用多常是解  
權門路便不曾鑽紅裙遣去如僧榻白髮梳來稱道冠  
若沒祖財教飯飽定應餓作壁魚乾

自嘆

居士年來更覺疑竹梢雲過望移時曉窗倦櫛猶思夢  
夜榻忘眠尚改詩匹馬未能隨李廣一丘端欲效元規  
客談休訝無心對貪看蜘蛛結網絲

山堂晚興

小堂清占景無譁不向階前種俗花過雨家茶脫黃玉



近霜天竹綴丹砂靜眠寧羨蟻來夢孤坐屢諧蜂報衙  
萬事一身安分定關河休用發長嗟

園中晚興

滿襟斜日澹如秋烟竹湘花結暮愁幾樹蟬清新抱葉  
一灣魚樂舊忘鈎蔬盤飽去山家飯楚調吹來水國謳  
此事不教千載識若諧時輩祇貽羞

竹軒詩興

柴門風捲卻吹開陜徑初成竹旋栽梢影細從茶椀入  
葉聲輕逐篆烟來暑天倦臥星穿透冬晝閒吟雪壓摧  
預想此時應更好莫移牆下一株梅

南湖集卷五

十一知不足齋叢書

偶書

移居桂隱詩全少半爲支離半爲慵今日一盃纔引興  
便成七字不求工鶴來池畔閒尋水蟬在松梢快語風  
門外車塵紅似火喚渠不應囁嚅翁  
花柳無情浪古春浴鶯波煖早方熏催畊野曠鳴黃犢  
瞰客籬疎立茜裘拚睡工夫便日永得閒滋味苦愁分  
行行快趁風煙閣蓴鱸詩壇要策勳

清曉啁啾響衆禽共忻暄色上穹林已如料峭春初景



不作蕭條歲暮心堆徑尙看桐葉在遶籬  
那顧菊叢深  
秦正嘉月將何祝長壽新芽當酒斟  
客有送建茗來者各長壽早芽  
野水因晴自少文淡雲當晝不容昏  
夾泥船小纔通港  
洗菜人歸定入村布穀飛鳴隨燕去  
春鋤俛啄得魚吞  
春風有得詩如許妙處從來復細論

客有折秋香來桂隱者喜成七言呈以道

半紀移居野水傍年年常爲木樨忙  
若非老樹從頭發  
安得西風徹骨香數朶折來猶甚愛  
滿林開後得無狂  
今番莫把尋常比一段清香兩主張

南湖集卷五

三知不足齋叢書

南湖書齋

雨深愁入樹花飄盡際翻晴現帝霄  
目力壯時蒼岫長  
心情閒處戲魚跳秋雲總是詩家物  
夜市今連里陌橋  
船子不來同載我卻驚翡翠出蘭荇

題尙友軒

作者無如八老詩古今模軌更求誰  
淵明次及寒山子  
太白還同杜拾遺白傅東坡俱可法  
涪翁無已總堪師  
胸中活底仍須悟若泥陳言卻是癡

次韻叔祖閣學秋興



歲序推流感世浮，樂閒宜早向農疇。  
脩梧綠減俄過夏，短髮絲添剩得秋。  
千古是非歸嘯傲，一門酬唱勝交遊。  
祇因名句多難數，常笑區區趙倚樓。

桂隱花正開得誠齋木樨七言次韻奉酬

未說香高眾卉林，清名先已入人深。  
衣青萼綠不見珮，屋貯阿嬌純用金。  
久恨酒腸慳似瓊，更輸詩字響如砧。  
公能爲辦歸休計，肯向花前嘆陸沈。

真誥載萼綠華著青衣而不言珮玉

誠齋再韻見遺走筆復和并邀尤檢正京右司觀

花

南湖集卷五

三知不足齋叢書

要趁清霜未染林，小山同賞桂叢深。  
已拚醉後纏頭錦，莫待風前布地金。  
蘭漿遡流歌客擢，麝材勻搗付香砧。  
戈揮就借如椽筆，不信湖邊日易沈。

誠齋三用韻因更和呈以堅顧臨之約

不比先賢傲竹林，鳴騶許過徑蓬深。  
瑰詞走送同聯璧，鈍思追酬漫注金。  
巖底幽入矜社蠶，閨中幼婦感秋砧。  
何如醉裏淋漓墨，一笑入閒百慮沈。

尤丈京文和篇脊至四用前韻爲謝

江南從識桂林花，歲歲逢秋屬意深。  
夜氣未添承露掌



曉光先上辟寒金玉笙殿迴應雷月鐵杵巖高不用砢  
爭似吾家種流水擁香亭榭綠沈沈李衛公樂府桂殿  
夜涼吹玉笙衡山  
記載桂英巖上鑿石  
爲曰有鐵杵倚巖畔

五用前韻詠丹桂花

徧看韶淑萬花林誰似秋風巧力深點注紅泥千日酒  
翦裁紫磨十分金色迷仙令疑勾漏香醉姮娥忘藁砢  
莫把釣竿烟外去珊瑚休道海中沈

安溪山閒尋桂得之

心期經歲只秋芳況有遊山近好涼天宇蕩開暄濁意

南湖集卷五

十四知不足齋叢書

巖花催就沈寥香招尋擬把深枝折愛護休令背藥傷  
三五冰輪行散影仙凡同異要平章

晚步池上

藤杖徐穿竹徑涼地寬那更水雲鄉山明屋背鬢鬢聳  
蟬奏樹頭絲吹長蓑笠釣船家自有軒裳朝路夢俱忘  
英雄本志今朝得十畝香荷者醉狂

納涼至夜深

積潦斜陽忽射階夜深穿樹雨還來披襟徑放清涼入  
倚扇微教嬾困催出草亂螢時自照叫空孤鳥暗飛回



貪吟四鼓猶妨寢除此人閒念總灰

遊石湖

幾年飛夢越來城試叩柴荆恰快晴松菊正愁閒客意  
烟波真是主人情黑頭據要方行志綠野當年浪得名  
我亦鄰鄉植桑柘訪公非爲憶萸羹

泛湖

駭雲飛去見晴風疊巘平湖影其涵景與新詩爭上下  
天將眞賞冠東南頻來但覺如初到得侶何妨縱劇談  
歸路一彎明月好鬧花風裏躍華驂

南湖集卷五

五知不足齋叢書

曲廊

曲廊桐樹綠陰陰簷珮風來奏玉琴但有疎簾知獨立  
更無塵事惱閒心雪霜鬢畔誰能免城府胸中枉自深  
二六時辰眞快樂坐禪纔罷卽行吟

自橫山歸偶成

杖藜如向碧空行路轉杉杉面面聲遺廟香殘人少到  
古臺仙去草閒生都緣世念多時絕不但塵襟逐境清  
卻上小輿歸寓舍晚峯明暗紫烟橫

秋日登集仙臺



地荒無處可追遊，賴有茲山景頗幽。  
遠水一隅橫雪練，喬松千尺舞雲虬。  
飄飄霞想生來避，膠擾塵心老更休。  
不向是中觀月去，城中那可度中秋。

聖井亭

重到虛亭意豁然，望高容易覺秋天。  
山連曠野全無水，樹雜輕烟閒有田。  
極目幾時忘去路，西風何日送歸船。  
殘蟬更喚斜陽好，襯出金剛翠篠邊。

離城中

雨後溪流爾許深，枕堤樓閣靜沈沈。  
暫來殊鬱登臨恨，

南湖集卷五

十六升不足亦弱韻書

欲別難禁去住心，倚檻乍離橋百尺。  
繫船猶戀柳千尋，黃昏最喜林端月影掠。  
波寒徹底金

野芳亭寫望

晚雨淒微葉未斑，小亭非但揖西山。  
船行半出青蒲末，塔立參排雜樹閒。  
了事兒癡妨劇醉，澹陰天氣合清閒。  
幽居不與紅塵隔，退食何能一往還。

泛錦池霞川呈張以道二首

夕風輕颺一池香，遙爲荷花泛短航。  
俗子幾曾貪韻勝，閒人贏得放清狂。  
幽棲野鶴林松黑，亂撲流螢水葉涼。



會取渭川當日意不將終老俟周王  
戲選嬋娟結伴來畫橋低處側鸞斂媧簧靜試醒鬆響  
魯酒聊傾曠蕩懷萬事亦須從使便百年無過任天排  
憐君近許同心友分取湖光到竹齋

以道次韻因再和二首

秋林何翅一般香楚思無窮屬野航不必再參龐老語  
要須先會接輿狂青燈漸向韋編熟白露初添玉井涼  
久矣蕩除人我相莫疑高尚鄙侯王

頃年尋地喜初來牆下松飄滿徑釵屈指五經寒暑候

南湖集卷五

十七知不足齋叢書

教人一掃利榮懷南湖又共詩翁住東寺須連單位排  
觸景未嘗瞞昧得肯從顏氏學心齋

蒲龕

紛華嘗徧氣豪麤未到衰年一點無行幃不施機上錦  
坐龕祇葺水中蒲斜斜策杖隨樓屨寂寂聞香對瓦鑪  
若味那伽常在定結跏徒費鈍工夫

雨中約梅再賦

寄語堂前萬玉枝未須開盡等人歸行雲佩雜衣從濕  
濺水裙輕步自微關塞垂楊橫槩賦禁津芳草挾臺揮



爲君豈復仍關心看到清陰碧實肥

### 寒堂夢松

堂成初喜參髯龍宵夢當年十八公寶樹未穿煙際雪  
鈞天先聽日邊風成丹得所從春首棲鷓無聲過夜中  
誰遣牆陰接芝徑月晴應是費拖筇

### 蒼寒堂

短橋斜路入松林何止能銷利欲心眼悟一眞清淨色  
耳通于古泰和音尺量稍影邀僧記竹護根莖恐鶴侵  
莫訝埴爐多宿火春晴猶似處雲深

### 南湖集卷五

### 約周希稷遊湖上園

句法參同李翰林風流依約謝宣城放懷應喜醉三日  
聽曲知無誤一聲箬葉露方高石室桂枝香譜度銀笙  
西清東觀遲歸去相就盤跚勃率行

### 夜自叔祖北園歸

夕靄生涼竹徑迂快風吹馬出通衢疎星落落連城闕  
擊鼓闐闐雜笑呼竟日浪追河朔飲幾時眞在輞川圖  
歸來小憩松棚下繞燭飛蟲索扇驅

### 出夕照行至書館



茅屋雞聲過日中熱雲蒸雨轉無風形勞自背當年說  
句快全誇近日工破院未成投宿計初欲到廣覺寺枯田猶覘  
入秋豐情知必沒揚雄宅看竹何妨揖主翁

### 清夏堂

去歲臨池未蓋堂暑天來看已多涼穿花鷺立青爲繖  
放櫂人歸錦作牀今夏好風簾影動良宵閒坐月華香  
低頭笑向闌干說有汝詩中味更長

### 碧宇書興

非關鄙性泥林泉境熟由來意自便童子靜看煎藥竈

### 南湖集卷五

十九知不足齋叢書

鷺鷥閒上釣魚船隈叢野石雲蒸黑帶雨堤花錦壓偏  
辨取一生無別事飢時喫飯困時眠

臥疾連日殊無聊賴客有送二省闈試題者因成

### 四韻

春恨都緣少得晴雨聲渾是落梅聲新愁多病易投隙  
薄命壯懷難抗衡人世只宜常放逸杏花多愛逼清明  
青袍白紵紛然夢自笑生來八念輕

### 述興

履聲幾月到園稀雪後煙香特地宜已見新晴巢喜鵲



更添垂柳客黃鸝人來有話亦大好酒不酬春奚以爲  
今日正晴休怕冷笑中天地角巾欵

睡起述興

功用今年百倍加園中添就好生涯大於橙樹夜合樹  
肥似桃花巴欖花煮酒未嘗先閒日袂衣初製漸裁紗  
起來不是貪眠在齋後僧憐未淪茶

自料

自料躬耕體力微他年爲圃雅相宜植茶要是依桑蔭  
種芋先須納豆萁藥愛金櫻長林薄花因木槿作藩籬  
祇因分絕陶朱富不願魚繁六畝池

南湖集卷五

字知不足齋叢書

遣興

笛簟疎明壓砌窗重陰經日閉脩廊黃梅未長先愁雨  
翠樹將成擬納涼藏裏好書多便看伏瓶生酒漸堪嘗  
誰能自縛無涯事早辦風漪百畝塘

書寒一杯輒欲酩酊因靜坐道室

歲晏常多白晝陰軟簾氈帳禦寒侵觀書偶要得天隱  
作傳定難題醉吟犬吠遠聞風綽散葉彫誰顧兩堆深  
湖邊莫道春回未紫草依稀動絕岑



曉寢喜成

入閒一事最幽奇，病醉皆非半睡時。  
經紙屏低心木綿，衾暖足慵移。  
蘊蘊蝶夢縈孤枕，呢呢雞聲過。無柰衝寒早，朔客不知疎拙是便宜。

戲題

入前一語撞翻牆，直氣西秦本故鄉。  
雪野射麋輕似杏園移，象矮交牀詩忙渴硯酒磨墨。  
睡足起廊花套矯揉盡歸官樣，去有時閒笑錯商量。

改舊詩戲成

南湖集卷五

不作新詩只改詩，當家功用亦幾希。  
全牛迎刃未能力，六鷁迴風先退飛。  
欲脫規模還似舊，枉教樞幹不曾何如盡付紅爐火，免使羣公說是非。

次韻張唐兄

邇來衰鬢漸當筓，杖策投繻感壯年。  
徬失暮三朝必四才能人百已難千，顧形真是臞仙。  
薄琢句何堪大手聯，紈袴紛紛能索我。  
勞君眼力世情邊。

次韻酬唐老見贈

菊邊莎處坦平居，危徑吾知勉覆車。  
爭似卽時三盞酒



何曾得力半行書魚鄉坐占眞清矣蜂戶行看亦寡  
過我不疎君始信同來猶恐壓荒墟

次韻譚德春見寄

端的公宜語箇中對山縈碧照清冬鶴毛雨漬苔錢古  
蟻穴風堆橡斗重已乏失新陪世話斷無關匾拆書封  
一軒煨芋方題榜時過松扉慰我慵

卽席次韻器之相贈

會閒須是莫論年直把浮生付且然桂隱欲爲山宰相  
漆園曾是地神仙看鈔妙句行催酒更向清流臥泛

南湖集卷五

未知不足齋

但喜相從得眞樂何心玩世學前賢

次張以道韻

無愁便是樂無涯看破紛紛眼裏花旋洗杯盃將酒  
重糊窗戶把風遮丹房火鼎頻添水衣櫃香爐就焙  
判卻一生閒理會共君難數第三家

次韻奉酬張野夫見贈

謾身堪笑若春鋤巖社棲寒水滿湖近寺偶成蓮社  
爲園非效朝川圖清樽酒好思中聖古塚珠存念  
次矣自求無所用喜君能好柏楸株



次韻陳秀才

規模渾是野人居，翦結蒼松蔭屋陰。  
一孔欲眠酬懶架，靜便徐步當安輿。  
青精飯好終延老，紫石潭空總付渠。  
玩世從來畏人覺，他年方信此心初。

玉照堂觀梅

絕憐一見一番新，直長斜意總真。  
繞屋便能雲態度，問春誰更雪精神。  
栽花不似猶嫌少，與我多生定是親。  
爲惜生香怕閒卻，折歸聊當一枝人。

辦當春句法，坐來花下泥春風。  
山高水遠須人領。

南湖集卷五

玉知不足齋叢書

玉潔珠光喜日烘，越女信知下首屈。  
平那是淨邊窮，明朝風雨從教有。  
老眼今年已不空。

送陳同父

事因訂定長驅馳，諸盡人閒合似癡。  
萬心經綸大儒業，一生忠憤上天知。  
長安又見垂楊老，淮甸將興故國悲。  
雞彘竹籬歸夢否，會閒方稱是男兒。

立春明園梅花書呈九檢正

凍禽先自起，多時煖戀衾。  
重曉不知栩栩夢，回思樹繞綿綿息。  
動離牀支一行，猶用年年歷數首。  
初編丁藁詩。



臘雪已多春定好願求名句檄南枝

饋節

澡濯新上白氎巾睡餘臞面絲昏塵三薰衣潤乘沈麝  
沃湯柔和芷辛衰髮任從清鏡脫壯心不逐故書陳  
平孤悶將何事燕坐移時定谷神

遊驪庵

入門黃葉擁危橋竹裏山茶刺亂梢釣雪亭脩人未坐  
浮天閣廢鷺應巢年勞逸終奚爲一段風流忍獨  
寄語王家早營葺他時相對我衡茅

南湖集卷五

重知不足齋叢書

南湖集卷第五

十一月七日辛巳寫竟  
七千零八十四字



南湖集卷第六

秦川張鑑功甫

七言律詩

湖上呈虞仲房

謁客衝泥路有聲，筍輿風裏轉高城。  
秋山正要一意看，曉日倍添雙目明。  
淺濼鷗盤思腐啄，孤汀鶴立念遐征。  
世間似我詩多有，莫漫逢人道姓名。

簡馬架閣

江浙聞人馬少伊，識公因誦雪窗詩。  
交馳刺字休嫌阻，一知不足齋藏書

南湖集卷六

一見人生自有期，城郭村翁誰問我。  
親王嬌客罕如斯，雞聲風雨相望處。  
情致先多會面時。

皇太子生辰二首

無射吹銅恰四莢，紫微深處燦前星。  
木行襲慶聯三合，火德流光其一丁。  
玩鶴怡神資葆毓，聞雞爲善想儀刑。  
豐年在在在歌華，黍鴻鶴高飛萬宇寧。

歡聲叶氣藹乾坤，榮觀于今貳極尊。  
天與聰明屬文子，人推勇智實湯孫。  
百寮銀筆松椿祝，三殿瑤觴雨露恩。  
久託重暉無以報，蕪音常是愧雷門。



卽席次潘茂洪韻

我恨填胸三斗塵，略無警句可畱春。  
煙雲空外吹成鶴，梅杏枝頭長就人。  
但解時中心獨廢，自然隨處樂常新。  
諸公要識居園法，第一先教懶是真。

過鳳山高氏以糖實薦酒

灣洞綠處得雞聲，俯檻山宜柳外明。  
京洛漲塵衣半黑，邯鄲炊黍夢曾驚。  
榘皮就爲翁題好，竹葉能邀我興成。  
辨此一塵歸老計，弄孫相對說春耕。

以洞庭橘寄楊祕監

雨湖集卷六

王知不足齋叢書

橘色渾如柿色黃，誠齋有句合分嘗。  
豈爲都市頗難得，要是洞庭親寄將。  
雨露山中今有味，星辰天上舊無香。  
遙知老監開奩處，爲醑椒花雨一觴  
誠齋自醑酒名椒花雨

呈吳居甫待制

挺挺鳳規映華流，官因官譽揜清脩。  
南宮妙畫多時見，北固新篇去歲收。  
每念小人詞話此，曾知閒客到門不。  
平生自笑迂疎甚，趨造纔頻更覺愁。

送吳季行監丞知簡州

兩門情義一鄉中，祖業還同社稷功。  
賃舍偶憐逢事少



訪余時幸慰詩窮對符忽爲榮親去橫槩多因得地雄  
難飯有隨官職禱故家當勉報文風

長至前夕書寄陸巖州

銅爐熟火暖無烟一盞青燈紙帳邊  
遲睡頗如除夜景新陽方幸好晴天  
詩成水閣梅堪折信斷山城鴈不傳  
冀待扁舟敘睽隔歸來身作紫微仙

送趙季言知撫州

同寅心契每難忘林野投閒話最長  
自是文華兼政術非徒嶽秀出天潢  
臨岐暫送魚符客指日歸來畫省郎

南湖集卷六

詩社不應常寂寞賴搜 獎出江鄉

余家兄弟未嘗久別今夏送平父之官山口冬仲  
朔又送深父爲四明船官因成長句

蓬渚霜鴻散漫飛江天分序益淒悲  
孤生只合羣居樂半歲那禁兩別離  
發軔固知期遠到望船猶怕獨歸時  
書來豈是寒暄語盡寫衷情慰渴飢

呈毛崇夫司直

春到深時味更長草晴勝似雜花香  
清陰漸次迷天綠白髮依稀照領光  
逐婦牆鳩知雨近生兒梁燕補巢忙



孽牋謾記今朝景朝路歸時有易忘

次韻酬新九江使君趙明達二詩仍送自製香餅

白鷗波酒

紛紛金珮與瑤環骨相如吾敢妄攀居處何曾離城郭  
襟期終不負湖山杉旁試履拖雲黑石上敲鈞破蘚斑  
衝曉樵童便來往思量誰似我投閒

歲晏懷人水一湄歸鴻去鴈各參差寒風不解頻吹夢  
疾置何妨數寄詩醉 勿濟勝和香因譜更求奇

路遙不暇多餅送一炷同參日漸遲

南湖集卷六

四知不足齋書

酬張子立投贈

論文嘗到愛山前屢費金稅冰麝烟舉世無人憐易絕

邊社有易解  
愛山堂答也 今年有子得詩傳窮蹇肥馬輕裘俗要結

高山流水緣淺拙固難酬妙寄漫憶春夢草池邊

次韻酬潘茂洪見寄

懷人非特爲能詩襟抱如君坦復恒三徑許時無地覓  
一生高處只天知江湖老夢疎篷慣燈火涼秋細字宜  
此興未嘗殊往歲水邊唯欠詠黃葵

酬曾無逸架閣見寄



貪閒常怕拆人書今日開緘病已無數紙雪情動金在  
一篇天籟集筆筆心交物類相感志願在衣冠盛事圖  
無逸見無玷  
吟主大府簡稍稍詩文振吾黨快來青鬢躡華途

次韻酬鄭唐老見寄

黃葉歸根靜不風迴塘雪後正液溶山林有分吾當去  
簪紱方興子未慵點檢寒榮梅又動思量暖事李將穠  
橋南水北來還往露布詩篇不必封

次韻王耘之

白汗翻漿九市人清風誰似此論心壯遊淮上官聲起

南湖集卷六

五知不足齋叢書

裏會都城句法深久矣求才膠柱瑟老來逢事不徹琴  
漫湖又見香荷發煮餅須同近寺林

次韻酬杜材卿

樓寒鶴骨舊玲峴別後溪山夢不扁世事益知推去好  
鬢毛渾減向來青詩篇又見聲諧律才興何疑刃照剛  
愁裏不妨同茗酌古梅園種百龍形

謂桂隱

呈張左曹郎中

持節江湘公去久浙西風月我孤吟相逢未敘三年話  
此事先拋一寸心風調不因通宦汨世塗尤見故情深



隨人一錯終能復林野應勞得得尋

離蘇州回寄太守袁起巖郎中

吳中佳地舊長洲來往空回信宿雷泰伯廟存那暇問  
麗娃鄉近未曾遊詩翁燕坐凝香閣閑客歸來釣月舟  
想見各章已成集韋郎何得擅蘇州

伴書回寄建康張總卿

湖上初晴擅曉涼一誠俄墜讀書牀月卿星使年年憶  
雪白蘭薰字字香聞道江邊勤叱馭也知鷗外靜鳴榔  
新君未識詩人在早覲楓宸荷紫囊

南湖集卷六

六種不足為賦書

種蠟梅喜成時欲暫往梁溪

出得荆扉喜欲顛園夫擲到蠟梅船包封山土根微脫  
束縛溪藤葉尚鮮搬處側從新徑裏種時還向舊臺邊  
叮嚀善待吾歸看切莫開花小至前

時賢有爵高名重而不自由者再念閒居之可樂

為賦長句

多幸因愚得養恬林扃風變陡寒天杯傳蕉葉溫成酒  
襖織梅花軟入綿經室爐添羊脰炭道牀屏護鷓班烟  
遙思病叟頭如雪冒冷退征想自憐



送鶴還建康章德茂侍郎因成兩詩

來時雪羽帶緇塵，養得摧殘病離身。  
曉浴池寬薜蔔遶，夜棲籠闊海棠鄰。  
吟詩屢聽狂居士，入夢應思舊主人。  
且喜再隨千騎去，不妨乘勢長精神。

風儀不稱汨泥塵，清向亨衢快舉身。  
魚鱗鱗符行作伴，鷺洲燕巷得爲鄰。  
華亭清唳如前日，蜀道高風過昔人。  
他日侍郎登鳳沼，卻來湖畔靜怡神。

入園聞鶴唳

解事昂藏兩令威，叫晴隔水要人知。  
喜渠飛舞開籠日，

南湖集卷六

七知不足齋叢書

值我行歌出戶時，梅院共期清月上。  
芝田休費碧雲思，長閒便是延年法。  
鶴不同謀更與誰。

送徐衡仲歸侍次福建帥屬二首

三年林曲喜談叢，交薦俄聞得數公。  
竟覓一官蓮幕下，漫添千詠錦囊中。  
時乖豈但馮唐老，性癖甘如叔夜慵。  
應是黃花過江路，笑垂雙鬢立西風。

和篇猶未忽成行

案開方有詩債

無奈辭情雜愧情，風雨連朝

難送遠湖山，何日再尋盟。  
飽參屢見從頭舉，識破懸知到處輕。  
疎懶祇愁書問少，望君因便卻傳聲。



登梅橋望桂隱

常日居園不自奇，今朝勝處上橋知。  
平湖百畝橫當戶，茂樹千章翠繞籬。  
鄰寺鐘魚初歷歷，里閭雞犬亦熙熙。  
隔城更有青山在，朝揖吾家出好詩。

喜楊誠齋赴召

病中何事卻懽欣，聞召高安老使君。  
碧落豈容畱綺夏，紫微端要著卿雲。  
朝天續集開新詠，解易元談記古文。  
應笑清臞約齋子，湖邊猶戀白鷗羣。

碧落筠郡  
圃堂名

誠齋以南海朝天兩集詩見惠因書卷末

南湖集卷六

入知不足齋叢書

筆端有口古來稀，妙悟奚煩用力追。  
南紀山川題欲徧，中朝文物寫無遺。  
後山格律非窮苦，白傅風流造坦夷。  
霜鬢未聞登翰苑，緩公高步或因詩。

南湖有懷遂初尤公侍郎寄贈七言

停驂曾送柳邊舟，忽忽今冬病故秋。  
望遠溪山常入夢，寫殘書信只成愁。  
明心坐斷三千佛，謂帝行歸十二樓。  
臨水憶君誰復信，亂煙淒暮白蘆洲。

呈曾仲躬侍郎

公道欣從禁路開，世家今有偉人來。  
共推掌學文清手，



突過談兵柱牧才老眼知人明月鏡時情薦土冷階灰  
詩章活法從公了要使諸方聽若雷

次韻叔祖題詠澤亭

彊塞聲威昔據鞍築亭聊此水雲看地連牛斗東南勝  
心體鳶魚上下觀一節愛君通表裏百年耽句置炎寒  
莫疵緣岸規模淺幽潔從來極怕寬

有懷參政范公因書桂隱近事奉寄二首

石湖仙伯住吳門事業文章兩足尊南北東西曾徧歷  
焉哉乎也敢輕論桂園柳色金絲織笠澤桃花錦浪翻

南湖集卷六

九知不足齋叢書

小大風烟俱自適鷓鴣巢終莫擬雲顰

迂疎那可作治中閒事歸來卻不慵曉炷佛香聊作觀  
晚投社飲亦稱儂荷衣製就身宜著菰米收成手自舂  
最是今年多偉績萬叢蘭四百株松

行近湖州不果入城寄王成之使君

江左風流燕子家有人襟度渺雲涯謳歌馮翊今分竹  
詞藻西垣舊判花相望每居形跡外投閒常動別離嗟  
因行一見還成阻誰謂人還自室還

過臨安海會寺東長橋有懷蘇文忠公



竦踔峯環碧玉城，亂蟬爭送夕陽明。  
飛橋預快登山足，壞塔遙增弔古情。  
橋東北墀功臣寺塔陳跡幾年驚夢幻，清文隨處振英莖。  
胡牀等到三更看，閒過桐鄉或駕鯨。

許深甫宰分宜

崢嶸飛藻妙無前，廓廓披懷萬丈淵。  
久矣願交嗟跡異，茲焉覲面實心先。  
雪窗政握持盃手，風激驚排轉柁船。  
名宦祝君誠長語，安心西去試鳴弦。

因過田倅坐閒得姜堯章所贈詩卷以七字爲報

京塵輿馬競揚埃，何礙騷人獨往回。  
我住水邊奚自識

南湖集卷六

十知不足齋叢書

詩如雲外寄將來，一從風裏攜歸看。  
屢向松亭靜展開，應是冰清逢玉潤。  
只因佳句不因媒。  
千巖居士蕭東夫卽姜婦翁也

賀蕭參政

向來投謁未嘗頻，今日九宜後衆賓。  
先世年家登政府，時情禮數到閒人。  
只將忠實酬明主，果見推遷作大臣。  
何用撫孤多軫念，園花開勝去年春。

叔祖國學座閒請觀詩編因賦

出門何許會初心，家有師儒是學林。  
畫古更因金印偉，書叢方稱錦堂深。  
朱橙薦酒隨冬蟹，翠蔓披牆引暮禽。



每辛酸鹹得同嗜可令傾耳闕韶音

送鄭剛中赴江東參議

去程遙指石頭城秋興鍾山老氣清  
細繹蓬巒嘗正字參陪蓮幕試論兵  
時平得計甘微祿學古無心急近榮  
君豈江淮久遊客歸來翼轂上承明

回渡荷葉浦

宿雨驚眠變早涼喜乘風便放歸航  
山雲野樹水墨暗蘆葉荷花文繡香  
藉枕冰藤醒倦思打簾珠浪發清狂  
天圍平浦方宜眼便腹飛帆莫太忙

南胡集卷六

十一知不足齋叢書

次以道荷葉浦

向來曾愛葉田田落日荷花擁權前  
霜冷不移魚世界葦殘聊作鴈家緣  
詩狂頃刻成三首懶病中閒接四邊  
除此今朝無別事與君相就樂舫船

又呈坐客

天假南湖一段奇賓朋胥會只論詩  
人生未老官閒日春色無邊方盛時  
林外好山看獨慣塵中新事問寧知  
從來邂逅宜真率花下杯傳卻莫遲

客至



麝豷沿徑綠抽牙  
文杏飄蹊白覆沙  
過半春光須愛惜  
沓來人事費攔遮  
妨尋蟻徑看排陣  
阻向蜂筒聽報衙  
癖性杜門猶憚此  
刺頭塵土可堪嗟

次韻酬陳伯治監倉

小築才成賜也牆  
傳家那是釣徒張  
非求世上人看好  
但要間中句律昌  
成陣遊鯨波尚暖  
打圍飛蝶菊初荒  
隣翁莫厭頻相遇  
會見翺翔入未央

送葉景良知嚴陵

千古風高仰釣臺  
朱輪新擁得通才  
政聲易報長安近

南湖集卷六

十二知不足齋叢書

家學知從霄水來  
半載依仁方恨別  
雙魚傳信官慵開  
分攜強飯休頻祝  
鋒召需賢定挽回

送謝良齋得閒西歸

向來朝列雖知己  
臺省山林職事殊  
勇退近閒辭北闕  
醉遊唯欠到南湖  
心傳古學高當代  
力把忠言壯晚途  
競說歸舟賣金帶  
囊空相見一錢無

戲呈鄭去華縣丞

疊破當年御賜袍  
飽看人釣六靈鼇  
行藏雖似少中節  
識趣不妨依舊高  
入夢傳巖初豈意  
上書曼倩不徒勞



浮生萬事天都了，愛惜君才祝善刀。

謂客不值夜夢見之

澄湖樓畔梵王宮，門外陂塘盡日風。來訪故人嗟未值，  
絕憐秋色與誰同。不違將母君應歎，始可言詩我未工。  
須信夢多因境熟，夜深猶在寺門東。

官舍夢歸南湖

林野相望不隔關，夢魂徑到豈爲難。恍如天上飛升客，  
忘卻人間走俗官。巖桂直通籠鶴檻，水萍斜倚釣魚竿。  
覺來不忍輕開眼，窗外芭蕉戰曉寒。

南湖集卷六

三知不足齋叢書

曾無逸餉風瀾十團扇報以七言

君才霽月破陰氛，因物還將比似君。水上風行真解悟，  
目前意到便成文。輕濤浮突羊頭起，急溜爬髭虎爪分。  
珍重南豐橫別派，洗空浮濁幾人羣。  
羊頭虎爪皆扇上水名

許深父送日鑄茶

短牋欣見小龍蛇，諫省初頒越嶺茶。筠缶祕香蒙翠箬，  
蠟封承印濕丹砂。清風灑落曾誰比，正味森嚴更可嘉。  
堪笑雲臺方忍睡，強行松徑嚼新芽。

遊叔祖次對宅南新園詩



入門疑是洞中天，  
有此人閒事。兩全深窈，  
高明俱要景。安閒榮盛未，  
衰年軒窗處。鶴千層竹，  
風雨催詩十畝蓮。聞道從今，  
畢婚嫁陰功，專爲子孫傳。

### 五林方沈氏居

路轉蒼灣靜，  
者家抱牆脩。竹舞簷斜，  
佛燈鏡照無盡像。書館池栽成行，  
花麤有田園，真可樂。不維車服，  
更何加。晚來清致，  
因閒取，非故邀君一煮茶。

### 南湖夕泛

欲知家住畫圖中，  
靜向波心漾。短篷粉墨，  
暈開天水色。

### 南湖集卷六

十四知不足齋叢書

碧朱堆上柳花叢，  
雲邊鷗影來還去。籬畔雞聲西復東。  
別浦夷猶，豈無謂細看蘋，  
禾受清風。

### 游新市趙侍郎園

步履沾泥得望新，  
霽光飛上雜花明。漁篷就向池旁入，  
山翠盡從窗外橫。因想主人持酒興，  
直須居士詠詩聲。  
浮生果解隨緣足，  
適意真強爵與名。

### 遊韓氏園有客先歸

風日催荷作老香，  
便將新句責胡牀。重山抱屋臨幽爽，  
四月邊湖納晚涼。扇景不驚蛙黽坐，  
槃飧還愛筍蔬長。



佳賓壯論能投俗歸路誰憐鬢雪尤

寄題任子嚴漕使盤園

身卽林園不世功喜驚今乃有人同規模內相雄文裏  
景物時賢雜詠中前輩風流何敢似後來評論想能公  
誰曾寤寐聲形隔眞樂從茲觸處通

離無錫夜入溪莊港口

出山猶自雨隨車到得溪橋一點無冷月半空雲未去  
垂楊成行葉全枯竹添東墅方清蔭人在南湖已白鬚  
應是田翁喜儂至旋吹燈火競歡呼

南湖集卷六

五知不足齋叢書

雨中憶曇少雲奉寄

天意今年不情涼雨聲秋後恣淋浪單衣已覺生絺薄  
細字初便短燭光畫餅功名孤塞路守株身世老江鄉  
吾儕政要無人識黃葉深杯氣味長

虎斑貓

百文慵參老野狐一雙俄得小於菟眈眈肯聽豺聲怯  
索索當令鼠輩無旣與道人常竝坐何妨童子戲編鬚  
硬黃新染香如蠟從此書室不閉廚

錦池汎舟贈莊器之二首



槐葉鶯聲兩度春，笑言常恨獨參辰。  
相過便說幽居好，別後應多秀句新。  
賀監湖邊山作伴，若耶溪上月爲鄰。  
涼秋定叩松扉去，一舸從君理釣緜。

翠舫迎涼避日行，只隨風去不須撐。  
擄雲移茂樹添層影，魚喜新荷觸嫩莖。  
客有何人從遠至，天憐吾輩太清生。  
功名世上雖爲急，弄水褰芳未可輕。

遊俞氏庵次叔祖龍

青山穩處衲僧家，得趣應難向客誇。  
春砌浪生金鳳草，夏窗低映木籠花。  
安禪舊日參臨濟，照影新遊愛水涯。  
酩酊詎論歸路晚，壁閒貪縱墨猞鴉。

百湖集卷六

十五知不足齋叢書

賣花

種花千樹滿家林，詩思朝昏惱不禁。  
擔上青紅相逐走，車中搖兀也教吟。  
雖無蜂過曾偷採，猶恐塵飛數見侵。  
應是花枝亦相望，恨無人似我知音。

泊吳江塔院喜霽

風雨因何犯曉來，不教閒卻好詩材。  
直須船內幽人起，始放天邊暖日開。  
傑閣豈容關一面，長橋渾欲走千回。  
歸時相見送佳月，忙殺同行鸚鵡杯。



舟行

經夕舟行路未賒不須寒夢早還家雲連岡勢通平野  
雨溢灘聲走亂沙蘋蓼靜憐魚世界菰蒲遙想鴈生涯  
元真便合若溪隱莫待摧頽兩鬢華

出德清縣

天公有意作詩顛入得苕溪未見蓮先放水濱圍半里  
更將蘆葉界平川明金扇日停蒼渚碧玉環山吐白煙  
非是老夫來領略此中那有地行仙

出餘杭縣

南湖集卷六

七知不足齋叢書

暑劇中宵枕屢移夙興猶得趁涼時平衝露氣盪輿穩  
星芒篠炬隨觸景有詩聊記述爲人無術漫驅馳  
須臾假寐誰驚覺隔岸清風叫子規

之官離桂隱

坎止流行總付天好閒初至獨茫然巢成不去憐林鳥  
門外空維念釣船老矣春容聊索漠薰兮風序向清妍  
雨聲未易催愁得投暇歸來意再便

題昌化縣雙溪館

潺流楹外薄谿鳴曾入坡仙拄杖聲天目遠連山勢曲



路頭爭說縣官清  
林重鳥愛衝煙沒  
橋毀人看涉水行  
忙裏能偷此閒樂  
抗塵寧復嘆勞生

題臨川道中玉虛觀

拔宅清都去不還  
尚留仙事警其頑  
靈茅歲久香猶發  
丹井功成水自閒  
日轉空庭松影瘦  
雨餘幽徑蘚痕斑  
雲駢鶴駕何曾遠  
滿耳天風吹珮環

閒步遊紫極觀

青惜高山色  
望寬仙廬幽  
古路紆盤邊  
花製古裝門  
榜老桂枝拳倚  
懸壇顏色不同  
輕紫綬精神  
常在慕黃冠

南湖集卷六

天知不足齋叢書

峰巖蟻垤非吾樂  
終買雲扃種木餐

題天台凝真宮陳道士緣化藏經既成求詩還山

羽袂翩翩下赤城  
燒松禿兔氣尤清  
書成胝手憐心苦  
神護頰肩覺擔輕  
萬笈雲籤來北闕  
一朝<sub>一</sub>勤得東明  
明年我欲仙遊去  
要聽<sub>一</sub>局<sub>一</sub>時<sub>一</sub>聲

水僊花

鯉魚程闊海茫茫  
照眼瓊標十三行  
簪弟梅兄同舊隱  
風姨月姊待新妝  
湘濱人遠難聞瑟  
洛浦才高最斷腸  
何似香嚴真實處  
鼻端無竅著猜量



贈嗣持上人

持也耽耽老比丘如松澗瀑春流經年欲見渾無便  
連日相逢若舊遊柏子軒窗翫梵夾荷香亭上款茶甌  
眞成此外無餘事莫說機關向上頭

贈崇先寺長老

飛騎源頭快著鞭慕溪呼艇訪幽禪霜輕正屬收橙月  
雨露眞成種麥天問荅因緣隨處是推敲事業此生專  
無塵幸有西偏竹浴罷從師借枕眠

吳江鮫戶獻鱸

南湖集卷六

五知不足齋叢書

舊過吳淞屢買魚未曾專詠四腮鱸鱗鋪雪片銀光細  
腹點星文墨暈麤西塞鰕肥空入畫漢江編美阻供廚  
季鷹莫道休官去只解思渠絕世無

歸南湖喜成

路轉斜橋似夢醒擁衾搖兀亦身輕知期岸鵲如相語  
匿笑鄰翁欲鬪迎見處青山還委麼遮回居士大獸生  
矮籬半路寒球樹新種渾如舊種成

安溪晚泊因到無淨院

十丈亭橋穩棹溪斜陽紅豔入船低枯筇徑過荒街比



靜院深尋破廟西遊伴苦無成獨笑物情請徧任難齊  
歸時早是星繁出影漾波痕上下迷

遊南山普寧院院中止有數僧別立堂處村僕幾

百人號師翁道友分執薪水負戴掃除苴補之

役暇卽乞米贍眾溪南二里許名石口聞冬時

梅花甚多

入港晴蕪遠際山鷺羣翻處綠迴環林隈隱寺僧慵出  
橋底通船客正閒乍喜身心俱寂靜足憐名相惑愚頑  
興闌猶約寒梅發月下來觀側近灣

南湖集卷六

三知不足齋叢書

宿西菩山明智寺詩

路轉溪山果大奇茂林門徑古苔滋坐餘沿石閒聽水

茶罷巡簷徧讀碑飛白灑然前輩字

辯才滕軒揚無爲書榜皆在 養

魚沒卻向來池

參寥子舊居有池泉極清今爲僧房

菖蒲茸茸仙人髮隨

我歸來與靜宜

主僧以溪蒲見贈

楊伯時李子永潘茂洪同遊安福寺詩

湖濱初試暮春衣綠徑鐘殘到寺遲二月梅花還傍竹

一時遊客總能詩橫欄著硯爭濡墨斷石緣蒲靜看池

莫問鄰亭是誰築山園持酒 幽期



蘆山長老慧舉見訪約遊其臨平庵居自號雲丘  
草堂因贈四韻

此客南湖不易逢幾年塵外願相從風流前輩親曾識  
興寄高情老未慵行柳映門宜著舫青燈同坐到聞鐘  
稻畦蓮渚臨平境何幸同師覓舊蹤

稻畦蓮渚者見唐張  
祜寓居臨平詩

過紅城子

闊港旁邊狹港橫大橋側畔小橋平吠人黃耳穿籬走  
喚子青裾出戶迎寒日樹枯山得勢順風檣穩浪無聲  
自知吟寫紅城景不讓丹青筆作成

南湖集卷六

王知不足齋叢書

暫往吳興出城

數聲初聽放船鉦小雨衝涼晚出城遙見人家層陰合  
便無風裏一塵生園林堂乏清閒樂鷗鷺須尋浩蕩盟  
秋色此行方到手快來詩內發精明

蘆花盛開因賦四韻

桃杏空爲澗上霞移根爭似覺王家衆香不復推沈水  
六出分明是雪花柳岸風連荷葉上芎巾人坐竹陰斜  
題評更得吾詩後醒睡從今合勝茶

靈源精舍小憩舊名龍泉有古井極甘冽



姑惡聲催雨不來暑雲空際只崔嵬投鞭得地古佛剎  
看竹滿窗風葉堆百歲可堪輕日月一官纔得便塵埃  
清泉酌罷猶貪戀更淪松黃當茗杯

### 山寺小憩

趨寺松杉夾徑栽解鞍流憩得莓苔塵昏金篆牌猶挂  
燈暗紗籠殿不開老鶴就涼臨古井幽禽尋食下生臺  
詩成漫記簷閒柱去矣何時復此來

### 遊昭慶寺

招提徐步已身輕禮懺憎忙不出迎側殿挂燈窺塑像

### 南湖集卷六

三知不足齋叢書

小廊流水愛經聲

南僧諷經音韻平帖謂之流水聲

心安久矣空塵想

夢異當年記宿生目送繞門山更好宵閒何處不堪行

### 夜宿華藏寺

蒼檜陰陰未掩門閒來吹鬢一飛蚊香騰廣殿遊雲合  
燈繞長廊列宿分般若心華方照耀毗耶寶雨自繽紛  
世緣卽是棲禪境居士何嘗別見聞

### 與諸弟遊天竺

出門殘月帶晨鴉飛蓋相從縱五花風綽敗蘆依岸老  
水分洲渚抱山斜橐韃未遂書生志鐘磬聊尋衲子家







風晴舒望綠吹林艤權蒿田曲徑深淳朴山川追古俗  
蕭閒林谷許幽尋贏金不必多留子種德先須善用心  
動我耕耘平日興濁醪歸緩宥辭斟

劉子履少卿挽辭二首

氣蓋兩峯蚤食牛堂堂聲譽冠諸劉直言不愧上方劔  
妙句常輕萬戶侯仙藥了無金鼎效夢魂空繞玉關秋  
當時若假三千騎豈但區區活泰州

釋和書上已經年敵騎南來果寇邊太息龜靈成底事

漫問鴻寶得家傳平生喜踏天山雪晚歲愁看瘴浦烟

南湖集卷六

子知不足齋叢書

務實褒稱曾未泯不須凝恨入重泉

南湖二亭落成各書長句一首

望處陰雲縱復橫落梅那更雨關情清愁入夢時飛蝶  
遠樹和煙欲囀鶯多病半春詩債滿經旬無客酒緣輕  
湖亭記取初成日正是芑蒲斫水生野芳

不負從今浦浦風柳陰方稱繫疎篷窗前細雨攤魚網  
壁上斜陽曬釣筒宥厭鄰僧頻見過有來巢燕亦相容  
甘心到老無人采莫比當年渭水翁漁鄉

題王恭父校書新闢書軒



仙翁眼力信非凡到處偏工鑒別山消得好鳥巢屋上  
旋移空翠入窗閒平生萬卷端能合從此三杯不等閒  
莫訝倏來猶屬意野人日用實相關

軒中望南北山三  
勞政如桂隱所見

### 書事

剝喜居園野趣成今春添得四橋橫猿猴漸解擎書卷  
鸚鵡新能喚佛名酒旆靜垂牆杏雨茶鐺閒試砌莎晴  
連年固自窮幽討新試頻伽一兩驚

### 戲題故袍

垂髻便衣綠荷衣兩見龍飛聖主時舉世恩榮俱合換

### 南湖集卷六

聖知不足齋讀書

唯吾憂患只該披

比以家難故  
年限未及

收藏儘好隨腰帶提綴

應堪傲鬢絲試使著來門外立精神猶勝似鍾馗

### 再遊洞霄

曉日晴嵐路未分昔年鐘磬隔林聞龍歸古洞千巖雨  
人臥空山半榻雲異草靈苗交晚翠野蘭芳芷雜秋芬  
何時得似山中鶴脫卸雞羣友鹿羣

此首從酒霄  
宮志錄補

榜書軒曰景白以爐香事樂天像因題律詩六韻

### 其上

賢如文正及文忠迂叟東坡盡學公自顧人才雖太遠



仰希閒樂或相同聖丘寺觀遊須徧公醉吟先生詩云

巳豐有泉石花臺榭舟橋樂未窮醉酩酒拚猶欠量

夷詩效竟無功子遲髮白知先約官達名高定不逢照

有香山類東刹西方內院各心空公有詩云海山不具

率天僕每勸人脩淨土業捨

康宅為蘭若嘗回向本願云

南湖集卷第十

南湖集卷第六

卷一 月十七日呈別  
卷二 百九十五字  
卷三 不足齋發書



